



الكلمة منك

الكلمه منك مش أوهام

والوعد قلته ومش أحلام

الكلمه ثابتته ووعدك حق

وأنت على وعدك سهران

ماهو أنت رب ومش إنسان

تقول وتوفي وليك سلطان

صادق أمين مش هاقبل شك

أصلك أمرت ومش ندمان

القرار

جاين وواثقين إنك حي

موجود يارب بنترجاك

ماسكين في وعدك إنك جاي

بجود عظيم للي استناك

موجود يارب بنترجاك

إلهي حي بنسنتناك

رب الخليقة وكل الأرض

عندك مساند تدي ضمان

لو الجبال راح يوم تنهد

مش راح يزول عنا الأحسان

بالنعمة تسند ضعف القلب

وبكلمه تشفي من الأوهام

الخوف تقابله بغمر الحب

تزيله فيزيد الإيمان

الكلمه ثابتة في كل زمان

حقيقه مع كتر الأوهام

وحتى لو للشك مكان

دي ليها وقت أكيد هاتبان

هضاب جبال وسهول وديان

كل اللي هاتدوسه الأقدام

ميراثي هاملك رغم الحرب

مغلوب عدوي ومش شمتان